



Broj: 150-15-4-1742-5 /22 MM
Sarajevo, 18.10. 2022. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28.12.2015. godine, broj: UV-122-01-1-1045-11/21 od 28.04.2021. godine i broj: UV-104-01-1-1425-15/21 od 29.06.2021. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

O D L U K U

o izboru najpovoljnijeg ponuđača u postupku javne nabavke robe – rezervni dijelovi za vozila sa ugradnjom

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku robe – rezervni dijelovi za vozila sa ugradnjom, putem otvorenog postupka, dodjeljuje ponuđaču KARE d.o.o. Sarajevo, na period od dvije godine, u svemu prema Ponudi broj: SK 24622/22 od 06.10.2022. godine.

Član 2.

Ponuda ponuđača iz člana 1. ove odluke, glasi na iznos od:

9.328,00 KM bez uračunatog PDV-a

(slovima: devethiljadatristotinedvadesetosam konvertibilnih maraka i 00/100)

odnosno

10.913,76 KM sa uračunatim PDV-om

(slovima: desetihiljadadevetstotinatrinaest konvertibilnih maraka i 76/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum, za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine (u daljem tekstu: Odjeljenje za zajedničke poslove).

Član 4.

Za realizaciju ove odluke zadužuju se Odjeljenje za zajedničke poslove, Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

Član 5.

Ova odluka će se objaviti na web stranici Centralne banke www.cbbh.ba, istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

Član 6.

Ova odluka stupa na snagu danom donošenja.



O b r a z l o ž e n j e

Postupak javne nabavke roba – rezervni dijelovi za vozila sa ugradnjom, putem otvorenog postupka, pokrenut je Odlukom o pokretanju postupka, broj: 150-15-4-1742-2/22 SAK od 14.09.2022. godine. U skladu s tim, Centralna banka je 21.09.2022. godine na portalu Javnih nabavki objavila Obavještenje o nabavci broj: 1370-1-1-427-3-246/22.

U roku određenom za prijem ponuda, odnosno do 06.10.2022. godine blagovremeno su dostavljene dvije ponude slijedećih ponuđača:

- Unitrade d.o.o. Ljubuški,
- Kare d.o.o. Sarajevo.

Komisija za provođenje postupka javne nabavke (u daljem tekstu Komisija) je izvršila pregled i ocjenu ponuda i konstatovala da ponuda ponuđača Kare d.o.o. Sarajevo ispunjava sve uslove utvrđene u tenderskoj dokumentaciji.

Komisija je utvrdila da ponuda ponuđača Unitrade d.o.o. Ljubuški ne ispunjava sve uslove utvrđene u tenderskoj dokumentaciji jer ne sadrži *Obrazac – popis dostavljenih dokumenata - Aneks 7*. Naime, u Odjeljku *D – PODACI O PONUDI tačka 1.Sadržaj ponude i način pripreme ponude* tenderske dokumentacije navedeno je da ponuda mora sadržavati: „*k)Obrazac – popis dostavljenih dokumenata - Aneks 7*“.

Komisija je u svom Zapisniku o pregledu i ocjeni ponuda, broj: 149-15-4-1830-6/22 od 10.10.2022. godine i Izvještaju o radu komisije sa Preporukom broj: 149-15-4-1830-7/22 od 10.10.2022. godine dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.



GUVERNER

dr. Senad Softić

Dostaviti:

- guverneru,
- viceguvernerima
- uredu glavnog internog revizora
- predsjedniku i članovima komisije
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za zajedničke poslove
- Ponuđačima (original)
- u spis predmeta (original)
- arhiva